

COMUNICATO n. 2319 del 04/08/2023

Traduzione in ladino

Coleament tras forenadoa Moena – Valbona, vegn confermà l enteres publich per i lurieres

L impiant portamont per coleàr Moena a la stazion a mez di Ronc-Valbona-le Cune l é amò na opera de enteres publich per chela che la Provinzia l' à palesà sie enteres. En vender ai 28 de messèl la Jonta provinzièla l' à dezià de deliberèr, aldò de la proponeta portèda dant dal assessor al artejanat, comerz, promoziòn, sport e turism, Roberto Failoni, che l é la condiziòn per declarèr l enteres publich e per na valutaziòn positiva en cont de la fatibilità de la proponeta en finanza del projet portèda dant da la sozietà Leitner Spa, S.I.F. Società Impianti Funiviari Lusìa Spa e Funivie Moena Spa. “Conferme che l' Amministraziòn la vel investir te na opera spetàda en lonch da noscia valèdes, per ge dèr na responeta concreta a la domanes del mond del turism e de la firmes – à declarà l assessor Failoni-. L projet l à abù n iter lonch, ma col provediment de anché se podarà jir inant a na vida definitiva envers la fasa esecutiva, e l ne fajarà aer n coleament de faziòn e percacent che l miorarà la mobilità smendran l trafich di auti te la valèdes”.

La proponeta en finanza de projet portèda dant da la sozietà Leitner Spa, S.I.F Società Impianti Funiviari Lusìa Spa e Funivie Moena Spa la perveit la conzescion per la gestion economica e funzionèla de n impiant portamont metù adum da na cabina con coleament automatic.

L impiant l perveit cabines da 10 pos e l colearà Moena a la stazion a mez del impiant jà en esser Ronc-Valbona-Le Cune. Ti 222 dis al an stimé, te chi che l impiant l jirà, vegn pervedù 180.000 passajes al an.

L'intervista al assessor Failoni

<https://www.youtube.com/watch?v=RIY0w1I8ymE&t=1s>

Se pel desiarièr l'intervista sun [chest link](#)

Traduzion di Servijes Linguistics e Culturèi del Comun general de Fascia

(cdt)